

21. maj 2015

UPA 2015/138

Kommunet sisamaasut akornanni Nunaqarfinni Aqutsisut akisussaaffiinik pisinnaatitaane-qarnerannillu assigiaarnerusumik atorneqartussaatinnissaat qanoq anguniarneqarsinnaa-nersoq pillugu oqallissiatut siunnersuut.

(Inatsisartunut ilaasortat Sara Olsvig aammalu Ane Hansen, Inuit Ataqatigiit)

Nuna angisooq siammasissumik illoqarfearlunilu inoqarfilik tassaavoq Siumup pilersinneqaramili tunngavimmigut pingaartitai. Nunaqarfiiit tassaapput amerlasuutigut nukittoqqutitut isigalugit ilinniarfiusartut.

Nunaqarfiiit sumiiffinnilu inoqarfiiit tassaapput Kommuunit aqunneqarnerat pillugu inatsimmi aala-jangersakkat malillugit kommunalbestyrelsini akisussaaffigineqartut.

Ilisimaneqartutuut ukioq manna kommuunit kattunneri nalilersorneqartussaapput, tassanilu najukkani oqartussaaqqataanneq illoqarfinni nunaqarfinnilu amigaatigineqartoq tusallattaaligarput ilanngullugu nalilersugassanut pingaaruteqartunut ilaavoq.

Nunaqarfinni illoqarfiallu najugaqarfiiit ineriarnermut malinnaanissaat pingaaruteqartuuvoq, nasuerutigisariaqarpapullu inuit nuttarnerisa ullumikkut killiffiit takutimassuk nunaqarfiiit illoqarfiallu mikinerusut innuttaasutigut ikiliartorfiusut, innuttaasut nuttartaneranni patsisaasartut qularnanngitsumik arlaqarput, ilaat ilinniartariaqarlutik aallartarput, ilaat suliffissanik ujartuillutik aallartarput, ilaallu sumiiffigisamik inuuniarnerup akisualaalersimaneranik tunngaveqartarlutik.

Pingaaruteqarpoq ataqtigiisakkanik sapinngisamillu tamakkiisumik isiginilluni nalilersuinissaq, taamaattumik assigiimmik akeqartitsinerup atorunnaarsinneqarneratigut nunaqarfinni illoqarfinnilu inuunermut malitsigisai ilanngullugit nalilersortariaqarput.

Siumumiit arajutsisimanngilarput sinerissami oqariartuutigineqartartut ilagigaat assigiimmik akeqartitsiunnaarnerup kingunerisaanik nunaqarfinni illoqarfiallu ilaanut inuuniarneq

akisuvallaalersimasoq, tamanna sumiiffinni siammassisunik inoqarfiusunik illersuinermut naaper-tuutinngimmat isumaqarpugut ilanngullugu nalilersorneqartariaqartoq.

Nalilersuinernut mianerisariaqartut ilagaat kommuunimiit kommuunimut nunaqarfinti atukkat sanillersuuniarutsigit ilanngullugu kommuunimiit kommunimut nunaqarfinti amerlassussaat assi-giinngeqimmata isigineqartariaqartut. Kommuunit aningaasaqarnerat minnerunngitsumillu oqar-tussaaffigisat nunaqarfinti amerlassusaat annertuumik sunniuteqartarmata.

Siumumiit isumaqarpugut oqallisaarisunit taaneqanngitsoq Kommuunit aqunneqarnerat pillugu inatisartut inatsisaanni nr. 22, 18.november 2010-meersoq, kapitali 6-imi §51, imm. 1 pingaarute-qartoq ilanngullugu nalilersussallugu. Tassani kommuunit kattunneratulli nunaqarfinti ilanngullugit kat-tunneqarput, taamaasilluni sumiiffinni "piginnittutut" akisussaatinneqartut oqartussaasullu ikileri-artinnejarmata soorluttaaq illoqarfinti taamak pisoqarnikuusooq.

Nalilersuinerni aningaasatigut imaaliallaanaq nalileruminaatsunik inoqarfinti, nunaqarfinti, illoqarfinti-llu mikinerusut pigisaqarput, tassalu sumiiffinni toqqisisimanerup malitsigisaannik meeqqat pero-riartortut inersimasunngortarmata nukittuat akisussaaffinnik tiguserusuttut.

Taamaattumik naalakkersuinikkut sulinermi nunatsinni nunaqarfinti 60-it missaaniittut pillugit sumiiffilersuiniarnermi akisussaaffik/oqartussaaffik ersarinnerusariaqartoq isumaqarpunga, tamanna anguneqarsin-naavoq immikkut naalakkersuinikkut oqartussaanerup ersarissarneratigut imaluunniit immikkut ataatsimiititaliaqartitsinikkut.

Siumumiit isumaqarpugut nunaqarfinti siunissartik pillugu nammineq nalilersuinermi peqataatinne-qarlutik oqalliseqataanissaat pingaaruteqartoq, taamaasilluni qulaatiinnarlugit "ajunnginnerpaamik isumaqarluta" oqartusaanernik arsaartuinata tunngavigissaarluta oqalliseqataasinnaaniassagatta.

Taamak Siumumiit oqaaseqarluta oqallisaarut tigulluarlugu oqalliseqataasaagut.

Suka K. Frederiksen

Siumut